



## KITA INSAN TERPILIH

Zuraira Libasin

Assalamualaikum dan salam sejahtera semua. Sewaktu saya menulis artikel ini, saya telah dikejutkan dengan berita sedih di mana ada rakan2 saya sama ada dirinya sendiri atau ahli keluarganya telah dijangkiti virus Covid-19. Rupanya virus ini masih lagi bergerak aktif tanpa leka menyerang sesiapa sahaja yang dikehendaki. Kita sahaja manusia yang suka leka dan selalu ambil mudah tentang sesuatu perkara. Sesungguhnya segala yang terjadi itu adalah atas izin Allah SWT jua.

Sejak kerajaan mengumumkan rakyat boleh rentas negeri, suami saya dilihat amat gembira kerana sudah hampir dua tahun tidak bertemu dengan ibunya secara fizikal. Selalu hanya dengan *video call* sahaja. Itu pun tersangkut-sangkut sebab talian di felda kadang ok, kadang tak. Ikut rezeki. Saya pun gembira bila lihat suami *happy*. Maka dengan itu, kami merancang untuk pulang ke kampung di N9. Dos pun dh lengkap diambil. Rasanya tiada masalah untuk pulang ke kampung kerana segala peraturan telah kami penuhi. Seperti yang dirancangan, tarikh cuti Deepavali dipilih utk balik kampung...yeayyy!!

Duduk di kampung tidaklah lama, kerana hari Isnin dah masuk bekerja. Pada tarikh 7/11/2021 kami pulang ke sarang. Sebelum sampai ke *Penang*, kami hanya singgah di RTC Perak. Maka di situ la kami berehat dan menikmati hidangan *sizzling*. Kami sangat *excited* sebabnya dah lama tak *dine-in* sejak PKP semua tu la. Tetapi tidak disangka, rupanya di sini lah kami menjadi insan yang dipilih oleh Allah untuk diuji dengan salah satu makhlukNya yg Maha Hebat hasil daripada siasatan pegawai penyiasat KKM.

Pada 10/11/2021, Hijaz tiba-tiba muntah dan badan pun mulai terasa panas. Masa ni tak fikir pun pasal Covid. Bagi ubat demam, dia pun tidur. Tapi hati tergerak hati untuk membuat ujian saliva. Esoknya buat *test*, Hijaz disahkan negatif. Alhamdulillah. Maka seperti biasa utin harian, menghantar anak ke rumah mak di sutera. Tapi demam Hijaz masih ada dan dia juga pening kepala. Nak dijadikan cerita, suami saja-saja nak buat *test*. Waktu tu dia kerja masuk lewat. Semasa dia buat *test* tu, saya dan anak-anak tiada di rumah. Pada pukul 11 pagi, saya mendapat panggilan dari suami yang mengatakan bahawa hasil ujiannya ialah positif. Suami melapor diri ke Pusat Kokurikulum Bukit Mertajam seperti yang diarahkan oleh pegawai perubatan di KKSJ di mana di situlah CAC Covid-19 bg daerah SPT. Di sana, suami dipakaikan gelang hijau, diperiksa tahap kesihatan dan diberikan surat kuarantin. Pegawai KKM juga mengarahkan kami semua ke pusat saringan yg terletak di kompleks sukan MBSP.

Pada 12/11/2021, terus menghantar Hijaz ke CAC kerana dia sudah pun disahkan positif hasil ujian saliva. Prosedur yang sama dibuat oleh KKM ke atas Hijaz sama seperti yang dibuat pada suami. Oleh sebab saya keletihan, saya bercadang untuk membuat saringan pada esoknya walaupun ujian saliva menunjukkan saya, Nia dan Hayyan negatif. Agaknya itu prosedurnya. Ikut sajalah. Pada 13/11/2021, kami menjalani ujian PCR. Pada hari itu juga Nia menunjukkan tanda demam. Saya dan Hayyan, alhamdulillah masih ok. Kiranya tiada simptom. Dalam hati dah agak, yang demam ni mesti positif. Tekaan saya betul (atas izinNya juga), esoknya keputusan menunjukkan Nia positif. Saya kekal negatif. Tetapi keputusan Hayyan ialah *KIV*. Agak merisaukan juga dgn status tu.

Pada 15/11/2021, Hayyan didapati demam panas sehingga mencecah 40°C. Keputusan masih lagi tak dapat. Sabar sajalah. Yang pasti tetap cecal meneruskan hidup seperti biasa. Pada 16/11/2021, alhamdulillah akhirnya dapat *result* juga. Hayyan didapati positif. Dia perlu dibawa ke CAC utk pemeriksaan oleh pakar. Untuk maklumat pembaca sekalian, *once* kita dah positif, memang perlu ke CAC utk berjumpa pakar. Pakar nak pastikan tahap kesihatan kita dan menentukan adakah kita layak atau tidak untuk kuarantin di rumah. Malam tu saya mula rasa sakit tekak. Badan rasa tak ok. Selsema. Tengah malam tu juga sy *check*, dan ternyata saya positif.....

Pada 17/11/2021, saya *update* saringan UiTM. Sebelum ni kontak rapat saja. Kini saya telah bertukar status kepada pesakit Covid. Mysejahtera pun sudah bertukar warna. Saya diarahkan untuk ke pusat saringan pada 19/11/2021. Agak lama bukan. Macam biasa, prosedur KKM. Ikut saja. Ketika ni suami dah sihat. Cuma deria bau dan rasa saja yang belum pulih. Giliran dia pula jaga kami. Begitulah aturan hidup kita. Allah tak kejam. Sesungguhnya perancangan Allah jua yg terbaik.

Makanya tiadalah lagi SOP di rumah hehehe!!! Masing-masing positif, boleh ke sana ke sini sesuka hati di dalam rumah. Sepanjang kuarantin, rumah sentiasa *diffuse* dgn EO *Thieves* (EO ni ada ramuan cengkik), kadang-kadang tukar dengan EO Lemon pula. Bubur dan sup ayam sahaja yg mampu kami nikmati ketika itu. Air teh lemon menjadi *favourite* kami. Air kosong memang paksa minum sekerap yg mungkin. Alhamduillah lama2 kami beransur pulih. Terima kasih keluarga, kawan-kawan yang sentiasa mendoakan kesejahteraan kami. Terima kasih juga atas segala sumbangan yang telah diberikan kepada saya dan keluarga.

Virus Covid19 memang seperti *flu* biasa bagi yang tiada penyakit kronik. Tetapi mungkin menjadi kronik kepada mereka yang ada penyakit kronik. Kita hanya mampu doa yang baik-baik sahaja. Menjaga SOP dan mengambil vaksin adalah salah satu ikhtiar saja untuk tidak dijangkiti. Itu usaha kita. Selebihnya, itu urusan Allah. Saya doakan kepada rakan-rakan yang telah dijangkiti virus ini baik diri sendiri atau ahli keluarga, moga cepat sembuh dan sentiasa sabar. Jangan sedih-sedih sebab kita adalah insan terpilih ❤

